

եւն: Նաեւ սուրբ հայրն եւագր գրէ. Նի'ստ
 դատաւոր Բոյոյ սրտիդ յատենի դատել եւ
 Բննել: Զի թէ նշմարտապէս Բննիցեմք,
 չունիմք պատասխանի Աստուծոյ. զի Տէրն
 մեր հրամայէ. Տեսեալ զգործս ձեր բարիս՝
 փառաւորեսցեն զՀայր: Իսկ մեք ցուցաք
 զգործս գայթակղելիս եւ օրինակ չար յե-
 տակայից. ըստ Պօղոսի՝ եմ մեղք որ զկնի
 երբան ի դատաստան: Միթէ մեք անմա՞հ
 եմք որ ոչ մտածեմք զհաշիւն զոր պահան-
 ջելոցդ ի մէնջ, ըստ մարգարէին. Ո՛հ հո-
 վիւք դատապարտք, որք եղէք, գայթակ-
 ղութիւն դիտանցին: Զիջցո՛ւք, ո՛վ սի-
 րելի, զիջցո՛ւք, զի կարացուք տալ պա-
 տասխանի այնմ որ մինչ ի յետին բնիոնն
 պահանջէ: Եւ արդ ըստ խնդրոյ Մարտիրոս
 վարդապետին եւ ըստ բաղձանաց ժողո-
 վրդեանն, անկեղծ կայծ բանի մարմնեղէն
 առագաստի յայտնապէս ծրեցի: Իսկ եթէ
 ըստ մարդկային բարուց մտածիցեմք՝ պատ-
 նառելով զմիմեանս, մնայ սկզբնաչարին աշ-
 խարհակէզ հուրն անշիջելի ի մէջ ողորմելի
 եւ տառապեալ հայագուն զարմի, եւ լինի
 բազում չարեաց առիթ եւ անմեղ հոգւոց
 կորուստ, ներկայիս եւ ապագայից զկնի
 եկելոց, եւ մեք մնամք դատապարտ եւ
 անպատասխանի առաջի անաչառ դատաւո-
 րին՝ զբազմացն պատիժ կրելով անձամբ:
 Ապա թէ զիջանիս ի հրամանս մեր եւ ի կոչ
 ժողովրդեանս՝ կատարելով Գրիստոսի հը-
 րաման, ոչ սակաւ վնասակար իրաց հերժու-
 մբն լինի եւ յուով բարեաց սկիզբն եւ յիշա-
 տակ բարի զկնի մեր եւ ուղիղ պոզմտայ